

天門陣

中華書局印行





A541 212 0020 8575B

小小說例言

一 本書文字淺顯，材料活潑；取名爲小小說，凡是已通文字的人，固然可以用牠做消遣品，就是略解字義的人，閱讀本書也可以幫助他走上了通文的捷徑。所以本書不論在小學教育、民衆教育和家庭教育各方面，作爲國語文的補助讀物，都很適宜。

一 本書根據各種舊小說編成，取材都是最富有興趣的；並且每種都有一個不同的封面，繪成彩圖，鮮明悅目，尤其可以助人興味。

一 舊小說向來爲社會上所歡迎，不過在故事的本身，或者有傷風化的地方，本書對於這種材料，一概刪去；在文字上，或者有原文太深，和鄙俗不堪的，本書便重加改作，使讀者既容易領悟，且不致被惡劣的文字所同化。

一 本書每寫一段故事，只取應敘的事實，其餘繁文枝節，完全刪去；至文字分段另行排列，目的是要使閱讀時容易醒目。

一 本書用三號字排印，行款疏朗，絕對沒有字迹模糊，損傷目力的弊病；小本精裝，攜帶也很便利。



天門陣



話說宋朝真宗祥符四年。蓬萊山有兩箇仙人。一名
鍾離。一名呂洞賓。是師徒二人。一日適同在山洞外
仰觀天象。忽見南北起了一道黑氣。上沖霄漢。知是
南朝龍祖與北番龍母相鬪。鍾離曰。吾以氣數推之。
尙有二年殺運未除。洞賓問曰。師父既知。還是龍母
戰勝。還是龍祖戰勝。鍾離曰。龍母逆妖之類。應霸北

番龍祖應運而生。當作萬民之主。今龍母擾亂不已。不久當爲龍祖所滅。言罷徑入洞中去了。洞賓見鍾離已去。自思師父言龍祖爲能。我今卻要親降凡間。扶助龍母。究竟誰勝。因見碧蘿山有萬年椿木已成精怪。可先令他脫身降世。卽著仙童喚椿木精來到。洞賓曰。吾付汝三卷六甲兵書。上卷天文隱秘。中卷變化藏機。汝不必學。惟下卷所載陰文迷魂妖遁之事。汝學之。可以扶助北番。戰勝南朝。方今北番出榜。

招募英雄。汝先去揭榜應募。我當隨後卽來。與汝扶
北滅南。共成功業。椿精領命。拜辭而去。一日椿精走
到北番。逕入幽州城來。揭取榜文。衆視之。其人鐵面
金睛。身長一丈有餘。兩臂筋肉突起。狀極奇異。守軍
以其揭了榜文。引進朝中。見北番女主蕭后。蕭后大
驚。因問壯士何處人氏。椿精答曰。小可祖居碧蘿山。
姓椿名岩。蕭后曰。汝有甚武藝。岩曰。兵書戰策。一十
八般武藝。無所不通。蕭后大悅。因與文武商議。權封

爲團營都總使。俟有功再陞。椿岩謝恩而退。

卻說宋真宗以北番屢次寇邊。因命光州節度使王全節爲南北招討使。李明爲副使。率兵五萬征遼。又敕澶州一路。雄州一路。山後一路。共四路人馬。望幽州並進。消息傳入幽州。蕭后問誰可帶兵迎敵。椿岩應聲出曰。臣舉一人。退宋兵如摧枯拉朽。取宋朝天下如反掌耳。蕭后問曰。卿舉何人。岩曰。臣之師父。姓呂名客。現在宮門外。未敢擅入。后卽宣進。見呂客人

物清雅。舉止特異。大悅。呂客卽是呂洞賓。當時奏曰。臣聞陛下欲與南朝爭衡。特來助一臂之力。取其天下。后曰。卿用多少人馬。客曰。臣欲以陣圖勝宋人。幽州軍馬不敷調遣。須多借他國兵來。臣本平生所學。排下南天七十二陣。使宋君臣視之。心膽碎裂。拱手歸命矣。蕭后聽罷大悅。曰。卿真子牙重出。諸葛復生。卽日封呂客爲輔國軍師。北都內外兵馬正使。呂客謝恩而退。蕭后用呂客之計。遣使臣齎金寶向五國。

乞師。於是卑鮮國王差黑鞞令公馬榮爲帥。森羅國王差金龍太子與董夫人爲帥。黑水國王差鐵頭太歲爲帥。西夏國王差公主黃瓊女爲帥。長沙國王差駙馬蘇何慶與公主蕭霸貞爲帥。各助精兵五萬。齊集幽州聽令。蕭后又召回雲蔚二州軍馬。合幽州之兵。共二十五萬。並交呂軍師調遣。以韃鞞令公韓延壽爲監軍。諸將並聽號令。蕭后自率後軍。隨後進發。呂軍師得旨。遂率五國精兵。及北番勁卒。共五十萬。

人馬出發幽州。浩浩蕩蕩望九龍谷而進。北兵來到九龍谷。於平原曠野下寨。對面便是宋營。次日呂軍師取過陣圖一張。吩咐中營軍士離九龍谷一望之地。築起七十二座將臺。每臺令五千軍守之。另外設立五壇。分立青黃赤白黑五色旗號。內開甬道七十二路。往來通行。不日建築完固。呂軍師親往巡視一遍。下令曰。三月丙甲支干相尅之日。吾將排陣。如有違令者。先斬後奏。監軍韓延壽進曰。軍師

出令。誰敢有違。各將均準備聽調便了。至丙申日。三通鼓罷。五國軍馬齊齊排列。呂軍師先令卑鮮國馬榮。率所部軍。列在九龍正路。排作鐵門金鎖陣。分一萬軍。各執長鎗。作爲鐵門。把守將臺七座。再分一萬軍。各執鐵箭。作爲鐵拴。把守將臺七座。再分一萬軍。各執利劍。作爲金鎖。把守將臺七座。馬榮領令。率軍排列去了。呂軍師又令黑水國鐵頭太歲。率所部軍。在九龍谷左。排作青龍陣。分一萬軍。手執黑旗。作爲

龍鬚。把守將臺七座。又軍一萬。分四隊。各執利劍。作爲四箇龍爪。把守將臺七座。又軍一萬。各執金鎗。作爲龍鱗之狀。把守將臺七座。鐵頭太歲領令。率兵分布去了。呂軍師又令長沙國蘇何慶。率所部軍。在九龍谷右。排作白虎陣。分一萬軍。各執利劍。作爲虎牙。把守將臺七座。又軍一萬。各執短鎗。作爲虎爪。把守將臺七座。再令北番將耶律休哥。屯軍一萬。守將臺七座於前。爲朱雀陣。耶律奚底屯軍一萬。守將臺七

座於後。爲玄武陣。左右圍繞。作犄角之勢。蘇何慶等領令。各率所部而行。呂軍師又令森羅國金龍太子。裝作玉皇大帝。董夫人裝作黎山老母。率所部軍端守中央二將臺。再遣裨將四名。裝作四斗星君。又二十八名。裝爲二十八宿。分軍一萬。各穿青黃赤白黑服色。圍繞中臺前後。復令番將土金牛。裝爲玄帝。土金秀手執黑旗。排成龜蛇把守二門之狀。金龍太子等各領令部署去了。呂軍師又令西夏國黃瓊女。以

所領女兵。手執寶劍。作爲太陰星。復分兵各執骷髏骨。立於旗下。遇軍大哭。作爲月孛星之狀。再令番將蕭撻懶。率所部各穿紅袍。作爲太陽星。黃瓊女等各引兵分布去了。

呂軍師又令北番女將蕭后之女單陽公主。率兵五千。各穿五色袈裟。爲迷魂陣。內雜番僧五百。爲迷魂長老。密取七箇懷孕婦人。倒埋旗下。遇交鋒之際。攬取敵人精神。單陽公主得令。引兵依法而行。呂軍師

又令番將耶律訥。選五千健僧。手執彌陀珠。裝爲西天雷音寺諸佛。另以五百和尚屯列左右。裝爲五百羅漢。總居七十二天門之首。以懾敵人。復令耶律沙率領所部巡視四方。按東西南北。結爲長蛇之勢。以資救應。耶律訥等領令而行。呂軍師排完陣勢。著椿岩與韓延壽督戰。又令各陣中並視紅旗爲號。聽候指揮迎敵。果是仙家妙術。世人難測。七十二陣變化奇異。晝則淒風冷雨。夜則河漢皆迷。狠使人懼。次日。

椿岩與延壽議定。令人到宋營下戰書。宋將王全節、李明引兵出戰。望見北陣如生成世界一般。大驚曰：番軍必有奇才。未可卽戰。椿岩、延壽二騎飛出。高叫曰：宋將若鬪武藝。卽便交鋒。若欲鬪陣。試觀吾陣。全節曰：鬪武不足爲奇。汝欲鬪陣。待吾亦整陣圖來戰。椿岩笑曰：汝去排陣來戰。吾不暗算汝也。全節收兵回營。與李明議曰：陣勢小可頗諳。未見今日之異。當具奏朝廷。速遣能將辨視。李明日：事不宜遲。遂畫成

陣圖。差騎軍連夜往汴京而去。

不日真宗得報。披閱陣圖。徧視文武諸臣。均不能識。乃召已死大將楊業之子三關楊六使延昭回朝。亦不能識。延昭曰。此陣必有變化。容臣親臨敵境看視。遂率孟良、焦贊等二十二員指揮使。統領三軍。往九龍谷。與王全節會議。次日到陣前。週視良久。謂諸將曰。此陣變化莫測。道是八門金鎖陣。又多了六十四門。道是迷魂陣。又有玉皇殿。如此複雜。如何能破。乃

收軍回營。與全節商議。奏請真宗御駕親征。並請其母令婆到陣前參看。真宗敕八王德昭呼延贊爲保駕官。率領御營軍馬。與令婆先後到九龍谷。觀看陣勢。令婆對延昭曰。此陣莫道我不識。就是汝父在日。亦未見過。君臣相對默然。束手而歎。

且說楊六使有一子名宗保。年方十四歲。當日令婆離汴京往九龍谷。宗保得知。乘騎隨後追趕。夜深莫辨路途。誤入紅壘山擎天聖母廟。聖母授以兵書。令

將下卷熟玩。宗保拜受。又令左右指示出路。天色漸明。宗保出得深山。遇土人。詢知山上廟名。驚爲奇遇。取出兵書。熟讀詳味。不勝歡喜。一日來到宋營。六使見之大怒。喝令回去。宗保曰。兒卽回去無妨。誰人能破此陣。令婆聞其言。喚近身謂曰。汝在何處曾見此陣來。宗保曰。孫兒頗識陣圖。試往觀之。自有定論。令婆遂令衆將保宗保登臺看陣。宗保看完陣勢。下臺語令婆曰。此陣名爲七十二門天門陣。其中尙有不

全處。中臺玉皇殿前。缺少天燈七七四十九盞。青龍陣下。少了黃河九曲水。白虎陣上。少了虎眼金鑼兩面。虎耳黃旗兩面。玄武陣上。欠珍珠日月皂旗一面。是幾處。依法破之。如風掃殘雲。霎時卽滅。令婆大驚曰。孫兒何處得此妙訣。宗保不隱。將所得兵書之事。道知。六使以手加額曰。此主上之洪福。使汝得此奇遇。次日六使進御營奏知。不料有奸臣王樞密將此消息。連夜報入番營。按其缺處。依法添起。此陣遂不

易破了。宋營正在預備攻陣。宗保復上臺。看知情由。無法可破。下臺說明其故。六使聽罷。昏然悶絕。不省人事。時八王德昭在軍。奏知真宗曰。延昭有疾。倘有不測。大事如何。陛下須出榜招募名醫。先救好延昭。然後再出兵。真宗依奏。令人張掛榜文。次日果有一老翁應募。帝宣醫人進前問曰。卿何處人氏。老翁答曰。臣居蓬萊山。姓鍾名漢。人稱爲鍾道人。近因楊將軍爲陣圖得病。臣特來救之。又解破陣。鍾道人卽是。

鍾離。當時帝聞言大悅。令視六使病。鍾道人回奏曰。臣觀楊將軍之病。陰氣受傷甚重。須要龍母頭上髮。龍公項下鬚。得此二味來。可療其病。龍鬚不必遠求。只要陛下可辦。龍母頭上髮。須向北番蕭后求討。帝曰。蕭后朕之仇人。何能去討。八王奏曰。延昭部下皆能幹之人。陛下出旨宣諭。或能有人求得者。帝允奏。卽敕六使部下前去取藥。令婆聞之喜曰。向聞我第四子改名易姓。爲蕭后駙馬。若有人前去通知。必能

設法取得。遂著孟良暗地前往。鍾道士又關照孟良。順便向蕭后御苑中盜回白驥馬。與宗保破陣。又以青龍陣上九曲水。皆出自御苑九曲琉璃井內。命孟良密將沙石填塞中一眼。以絕其源。孟良領命偷出宋營。不料焦贊隨後趕來。孟良只得攜帶同往。逕入幽州。悄會楊四郎。設法取得龍髮。先著焦贊送回。復混入御苑。填塞琉璃井之中眼。假造蕭后勅旨。騙取白驥馬。向九龍谷宋營奔馳而返。鍾道士得著龍髮。

向真宗請了龍鬚。依法按治。六使一服卽愈。真宗遂封鍾道士輔國扶運正軍師。又依八王所奏。效漢高祖築壇拜韓信故事。拜宗保爲元帥。鍾道士以諸將不敷調遣。與六使商議。差孟良等往各處召取大將王貴。楊五郎。延德女將金頭馬氏。柴太郡。楊八娘。楊九妹等。又宗保之婦穆柯寨穆桂英亦棄寨來聚宋營。一時齊集九龍谷。宗保遂請軍師商議破陣。擇了千支相生之日出兵。下令各軍聽候發遣。

翌日鍾道士曰。吾夜觀星象。太陰陣內當反變。先破了此陣。其餘可以依次進攻。宗保曰。誰人可往。鍾曰。金頭馬氏。乃令馬氏率精兵二萬。從第九座天門攻入。馬氏領兵前去。恰遇黃瓊女來敵。馬氏罵曰。汝爲西夏王親生女。部衆遠來助逆。且甘爲妖術賤役。縱使立功。亦復可恥。黃瓊女聞言。自覺羞愧。勒馬回走。馬氏亦不追趕。黃瓊女回營自思。記得幼年鄧令公作伐。將我許配山後楊業第六子。今當投降。以尋舊

好。卽密遣人送書信投入馬氏營中。馬氏與令婆商議允降。卽修回書與來人。約定明日黃昏內應外合舉事。次日馬氏率所部攻入。黃瓊女從內殺出。遇巡軍番將黑先鋒來到。與馬氏交兵。只一合。將黑先鋒斬於陣內。北兵大潰。遂破了太陰陣。黃瓊女與馬氏合兵。逕回宋營。

第三日甲子。干支相生。正是破陣之日。鍾曰。鐵門金鎖陣。乃咽喉之地。正宜先破。次則便破青龍陣。宗保

曰。可差誰往。鍾曰。青龍陣可用柴太郡。鐵門陣必用穆桂英。宗保曰。吾母柴郡主。有孕在身。如何破得此堅陣。鍾曰。正以孕氣勝之。可令孟良前往相助。宗保乃入內。與其母及桂英道知。二人各率精兵三萬。鼓譟而進。先說穆桂英令一萬人各提火把火箭。候交鋒之際。砲箭齊發。二萬人從九龍谷正北打入。遶出青龍陣後。接應柴太郡之兵。衆人依計而行。遂分左右。攻入陣門內。恰遇馬榮領鐵門精卒。由將臺下來。

迎敵。桂英縱騎交鋒。戰至數十合。不分勝負。鐵拴金鎖。一十四門精兵來應。宋兵圍繞而進。放起火砲火箭。北軍隊伍亂竄。桂英奮勇前進。大喝一聲。鎗刃驟下。馬榮頭已落地。宋兵乘勢攻入。殺死番衆。不計其數。其陣遂破。再說柴太郡率三萬軍來到青龍陣下。吩咐孟良曰。汝引軍一萬。先奪黃河九曲水。從龍腹殺出。吾引衆攻入龍頭。遞出後陣。與穆桂英合。孟良依計先行。郡主遂攻進左陣。守將鐵頭太歲下臺迎。

戰。鬪經數合。未分勝負。忽陣後一聲炮響。孟良以勁
卒從龍腹殺出。北軍潰亂。龍鬚、龍爪、十四門精卒齊
出。郡主與孟良前後力戰。郡主胎孕衝動。在馬上疼
痛難熬。霎時間孩兒墮地。鐵頭太歲回馬殺來。忽陣
側一彪軍殺到。乃穆桂英也。見郡主危急。努力來救。
交馬二合。鐵頭太歲化作一道金光而走。被血氣衝
破。桂英拋起飛刀。斬於陣內。番兵大亂。孟良從後殺
來。屠剿大半。桂英向前救起郡主。以所生孩兒納於

懷中。遂破其青龍陣。宗保與軍師商議破白虎陣。鍾
曰。非汝父不可。宗保入見其父。道知。次日六使率騎
軍二萬。攻入白虎陣內。蘇何慶開陣門迎敵。兩騎相
交。戰到三十餘合。何慶佯走。宋兵猛進。忽將臺金鑼
響處。黃旗閃開。陡然變成八卦陣。霸貞公主引兵圍
來。何慶復回。六使困於陣中。不能殺出。敗軍回報。宗
保急召焦贊。謂曰。汝速引兵從旁道攻入。用石槌打
損其鑼。使虎無眼。則不能視。又召黃瓊女。曰。汝引兵

從右門攻入。砍倒黃旗。使虎無耳則不能聽。又召穆桂英曰。汝引兵當中殺入。以救吾父。三人依計而行。焦贊、黃瓊女毀去金鑼黃旗。合兵抄入白虎陣後。蘇何慶見陣勢危急。慌忙來應。穆桂英當先殺入。二人交鋒。不兩合。何慶退走。被桂英一箭射中項下。墜馬而死。霸貞公主急來相救。黃瓊女由陣後殺到。手舞鐵鞭。從背脊打下。霸貞公主口吐鮮血。單馬走回本國。六使知有救應。遂從內殺出。與焦贊等合兵一處。

乘勢破了白虎陣。

白虎陣破後。宗保乃請令婆率八娘九妹。同往剿滅。裝爲梨山老母之董夫人。又召王貴引所部從正殿打入。接應本軍。令婆部衆殺奔玉皇殿。董夫人拍馬來迎。戰上數合。忽然金鼓齊鳴。番兵圍合而進。將令婆等困於陣內。王貴急引兵來救。遇巡營番將韓延壽。一箭射死。宗保聞知大驚。急令穆桂英率軍救應。桂英突進。正遇董夫人與八娘力戰。桂英彎弓架箭。

射中董夫人之目。落馬而死。遂與令婆等合兵。奪得王貴屍首回寨。鍾道士又教宗保召楊五郎。率頭陀兵五千。攻入迷魂陣。帶戎裝小兒四十九名。各執楊枝。預備掃滅妖氛。向陣內紅旗臺下割去孕婦屍骸。又召孟良。帶兵二萬。打入太陽陣後。接應本軍。先說五郎攻入迷魂陣。單陽公主略戰即退。引敵兵入陣。耶律訥擺動紅旗。妖氛迸起。一羣妖鬼。號哭而來。人不能進。乃令四十九箇小兒。手執楊枝。迎風而進。妖

氛輒散。宋兵進前割去孕婦屍骸。耶律吶慌亂逃走。五郎趕近前一斧劈死。頭陀兵奮勇齊進。將五千健僧及五百羅漢。誅戮殆盡。單陽公主措手不及。被宋兵於馬上擒住。番將蕭天左激怒。提兵來救。五郎抵敵。連戰二十餘合。五郎抽出降龍木。擊中其肩。天左變爲一條黑龍。五郎揮斧斬爲兩段。原來五郎得師父之教。預備下降龍木。除此怪孽也。是時孟良攻入太陽陣。恰遇蕭撻嬾。交馬兩合。被孟良一斧砍之。殺

散餘騎。衝入後陣。接著楊五郎一齊殺來。遂破了迷魂太陽二陣。誅剿番兵。不計其數。

卻說番陣中尙有玉皇殿。最是難破。殿前有真珠白涼傘。其下殺氣隱隱。人不敢近。再有日月真珠皂羅旗。麾動時天昏地黑。不辨進路。殿上懸七七四十九盞天燈。乃是變化之名。鍾道士與宗保畫定計策。奏請八王。呼延贊。保護真宗御駕親行。敵住玉皇上帝。宗保自率勁兵。破其正殿。先令孟良攻陣。奪去真珠

白涼傘。焦贊砍倒日月皂羅旗。又請六使率後隊攻入。先射落四十九盞天燈。孟良、焦贊依令當先殺入。奪傘砍旗。遇番將土金牛、土金秀殺到。孟良激怒。一斧劈死金牛。焦贊斬了金秀。後隊六使拍馬攻入。射落四十九盞號燈。其陣遂敗。四斗二十八宿將官一齊殺出。被孟良、焦贊盡屠戮之。金龍太子單馬逃走。宋帝架起翎箭。一矢射死於陣中。宋軍競進。宗保舉發火箭。焚其通明殿。燒死番兵。不計其數。孟良等合

兵一處。遂破了玉皇殿。

宗保下令曰。乘此破竹之勢。諸將各宜努力。令孟良攻入朱雀陣。焦贊攻入玄武陣。六使呼延贊攻入長蛇陣。孟良領令。殺入朱雀陣來。番將耶律休哥。見大勢已去。棄將臺而走。遂破朱雀陣。焦贊攻入玄武陣。與耶律奚底大戰數十合。奚底敗逃。焦贊趕上。一刀斬之。殺散餘騎。破了玄武陣。六使呼延贊攻入長蛇陣。耶律沙不敢迎敵。拖刀繞陣走出。被宗保阻住去。

路。孟良等從後殺來。進退無路。拔劍自刎。韓延壽見
天門陣破得七零八落。問計於呂軍師。軍師大怒。率
本營精卒。如天崩地裂而來。樁岩作動妖法。霎時日
月無光。飛砂走石。宋兵不知所措。宗保君臣困於陣
內。番兵四合攻進。忽鍾道士奔至陣前。將袍袖一拂。
其風逆轉。吹倒番人。天地復明。樁岩望見鍾道士。忙
報呂軍師曰。鍾長仙來矣。師父快走。道罷。先化一道
金光去了。呂洞賓近前。被鍾離喝道。天數有定。不可

逆行。今被汝害。卻許多性命。好好歸洞。仍是師徒。不然。罪愆難追。洞賓無言可答。乃隨鍾離駕雲回去。韓延壽急忙報知蕭后。望山後逃走。楊六使率衆將急追。焦贊奮勇向前。趕上韓延壽。延壽回馬復戰。不數合。被焦贊擒住。帶回斬首。番兵剩不多人。均棄甲拋戈而走。蕭后從僻路逃回幽州去了。



A541 212 0020 8575B

民國六年八月發行
民國廿一年九月五版



(小 小 說)

◎ 每冊定價銀五分

編輯者 中華書局

發行者 中華書局

印刷者 中華書局

印刷所 上海靜安寺路哈同路口
中華書局

總發行所 上海棋盤街
中華書局

分發行所 各省中華書局

民國廿一年八月五日
知日六月八日發行

中華書局

註冊商標



中華書局
中華書局
中華書局
中華書局
中華書局
中華書局
中華書局
中華書局
中華書局
中華書局

中華書局

（小）

